

雜譬喻經卷上上下同卷

群八

失譯人名出後漢錄

菩薩度人譬若巧乳母養子有四事一者洗浴使淨二者乳哺令飽三者卧寐安穩四者抱將出入恒使歡喜群八以此四事長養其子令得成就菩薩亦復如是有四事養育衆生一者以正法洗浴心垢二者以經法飲食使飽三者禪定三昧隨時與立四者以四恩饒益一切恒令歡喜以此四事勸誨一切長育衆生使得至道

世間有二知識常與人爲因緣令人得大罪亦令人得大福何謂二知識一者惡知識二者善知識譬如賊帥造惡逆殺害君父破亂天下衆生被毒殃無不加與之從事令人得大罪如釋迦文菩薩發意求道救度衆生四等四恩接護一切三界五道靡不蒙度也所謂善知識與之從事令人得大福昔南天竺有一國名私訶絜處海渚之上其城縱廣八萬餘里時他國有一老母名阿龍遭難荒亂流離在此國孤單無所歸依乞丐

生活諸長者家欲求寄附時長者歸見之間  
訊老母老母具自陳說窮厄之意長者愴然  
愍之語老母言可住我家耳當相資給老母  
喜曰吾無以上報當以小小作使所作衆務  
不敢憚勞也便停止住意有悲喜昔日供待  
衆僧隨意所設今日忽爾窮厄施心不達內  
自感傷前禮道人問訊已訖不審僧朝中得  
供未也道人答曰朝來入城乞丐了無所得  
是以便還所解耳老母即念欲得飯衆僧而  
自了無所有白諸道人我今入城視之若得

供辦者當還白之若無者亦當使知消息於  
是衆許可各各解住樹下於是老母還舍啓  
長者婦宜用數千錢今我雖在此作使願身  
自賣終身爲婢可立券要長者婦問曰卿在  
此仰我衣食欸復用錢爲持作何等老母白  
言私宜急用不可得說於是長者婦以錢與  
之語言爲持去用若有時自可還我以券何  
爲老母得錢詣其左右先素知識者具以情  
告之以錢人人付使爲供六十家須臾已辦  
賁詣道人本謂無實定至誠乃爾皆怪其精

進出於不意而問老母居止何處吾朝分衛  
無里不遍何以都不相值見耶老母具自陳  
說本末我是某國中人也家素奉佛供養衆  
僧值世荒亂流離至此室家蕩盡一身孤獨  
依附此國大長者家給其使令仰其衣食空  
身寄命了無一錢向見道人悲喜交集心有  
所懷恐願不果白夫人以身自賣求索少少  
欲飯衆僧慈惠見慙微誠得遂耳道人嘆曰  
真可謂盡信施矣皆相謂曰吾等亦爲五陰  
之身行求分衛今日之食便爲噉人肉也宜

各建意以報施功衆人齊心立八惟務禪精  
誠感通即獲超定神足威靈震動境界樹木  
曲躬有似跪拜道人見證讚叙施主國王驚  
肅怪其所以召諸群臣共議原其感瑞何緣  
致茲臣下四出觀察其所由見城門外道人  
群集施者濟濟其共相慶賴即入白王王曰  
正是所爲速請呼來臣下遂宣王命老母怖  
悸懼有非禍報答臣曰吾身繫屬長者婦不  
得自由臣還白此意王曰并請命來於是長  
者婦聞王勅命即與老母詣王所王問其意

老母具以本末白王言王曰吾爲國主富有自在然不知奉敬三尊供養道士如此老母致感若斯王曰此母則吾師迎着宮內香湯洗浴坐於師位宮人嫀女合二萬人王身受戒爲優婆塞夫人嫀女爲優婆夷國人一切普發道意

昔道人於山中學道山中多有蝮蛇道人畏之便依一樹下高布牀褥坐禪念定而但苦睡不能自制天人則於空中笑覺之遂睡不解天人因作方便欲恐令不復睡極夜天人

言咄咄道人毒蛇來矣道人大怖便燃燈火遍求之不見天人數數不止道人乃更恚曰天人何以犯兩舌都不見物云何爲言言毒蛇天人語道人何不自觀內毒蛇身中有四蛇不除如何更從外求之乎道人聞天人語即自思惟觀身歷藏乃知四大爲五陰六衰所沉沒無數劫來至今未脫即解四諦苦空非身天未曉漏盡意解六通具足得阿羅漢昔有阿育王於境內立千二百塔寺後得病大困有一沙門往省王王與相見悲不能自

勝道人曰王前後所作功德不可計數當開大意莫有恨也王言正使死至不能有恨也所以悲者前爲千二百寺各織作金縷幡蓋千二百枚欲自懸幡散華於諸寺物始得辦而得重病恐不卒本願故自悲耳道人語王好义手一心令王悉見一界中塔道人即現神足應時千二百塔皆在王前見大歡喜病即時瘥取金幡金華懸諸刹上塔寺低仰皆就王手王得本願身復病愈即發大意延二十五年遂作功德速得不退轉

昔有阿育王拜爲政位二十八萬里盡屬之陸地龍闕义等亦奉獻臣使無不伏者唯有一龍王北界所止之地廣三百餘里得佛一分舍利晝夜供養獨不降首於阿育王王即舉四種兵到其地上龍不出應龍有威神王亦不能得前如是三往不能得龍所以威神并者福勝我故也吾今當大作功德供養三尊已往取必得不疑也於是修立塔寺廣請衆僧數數不息欲自試功德便作一金龍作一王身著秤兩頭秤其輕重始作功德並秤

二像龍重王輕後復秤之輕重衡平復作功德後王日重龍秤日輕王知功德日多興兵往討未至道半龍王大小奉迎首伏所得佛一分舍利者獻阿育王阿育王復興塔寺廣闡佛法

詳八

五

昔佛般泥洹去百年後有阿育王愛樂佛法國中有二萬比丘王恒供養之諸九十六種外道生嫉妬意謀欲敗佛法自共聚會思惟方便中有一人善於幻化便語衆人吾欲作幻變惡鬼形索沙門闍之必散亡當知其不

如必來歸吾等道矣異道所奉神名摩夷首羅一頭四面八目八臂諸鬼之最是可畏者梵志即作是身將諸醜鬼二百餘頭洋洋行於國中徐徐進前至王宮門一國男女莫不怖懼王出迎之見大惡鬼稽首問曰不審大神何所勅欲鬼語王言吾欲噉人王言不可爾也鬼曰王若惜人民者國中有無益王者付我噉之王言無有也鬼言諸沙門等亦不田作亦不軍征不臣屬王此則無益者付吾噉之王心不樂事不得已便遣使詣祇洹道

其消息二萬比丘中有最下沙彌年十三歲名端正白諸比丘我當行應焉即便聽許之沙彌出外語維那曰其有梵志墮祇洹中者便共剃頭無令得脫便往其所語鬼神曰知汝來欲噉吾等吾等是僧中最小故來先相差次其餘比丘安次當來沙彌復言吾早來未得食卿等飯我今得一飽乃却噉我鬼神與之時從鬼梵志亦有二萬餘人王作大廚當與此等沙彌便取二萬人食具皆着口中神足飛着祇洹故未飽復取二萬梵志吞之

亦以神足送着祇洹中時作幻梵志走大怖懾還復爲人稽首謝過願作弟子請比丘盡剃諸梵志頭爲說經法皆得羅漢一國人民無不歡喜得福得度王思惟言一小小沙彌感動如是況摩訶衍海何所不有者哉便發無上正真道意詳八從是以來佛法興盛六于今不滅

噉人王十三年後身生兩翅行噉人無復遠  
近於山中向山樹神請求祈福當取國王五  
百人祠山樹神使我得復還國爲王於是便  
飛行取之得四百九十九人之山谷以石密  
口時國王將諸後宮詣浴池戲始出宮門逢  
一道人說偈求乞王即許之還宮當賜金銀  
時王入池當欲澡洗噉人王空中飛來抱王  
將去還於山中國王見噉人王不恐不怖顏  
色如故噉人王曰吾本捕取五百人當持祠  
天已有四百九十九人今復得卿一人數已

滿殺以祠天汝知是何以不恐懼乎國王對  
曰人生有死物成有敗合會有離對來分之  
不敢愁也旦出宮時道逢道士爲吾說偈即  
許施物今未得與以是爲恨耳今王弘慈寬  
恕假數日中布施訖還不違要誓也即聽令  
去而告之曰與汝七日期若不還者吾往取  
汝亦無難也王即還宮都中內外莫不歡喜  
即開庫藏布施遠近拜太子爲王慰勞百姓  
辭決而去噉人王遙見其來念曰此得無異  
人乎從死得生而故來還即問曰身命世人



所重愛者也而卿捨命所信世之難有不審  
何所志趣願說其意即曰吾之慈施至誠信  
盟當得阿惟三佛度十方彼王曰求佛之義  
其事云何便爲廣說五戒十善四等六度心  
開坦然從受五戒爲清信士放四百九十九  
人各各令還國諸王追是後王共至其國感  
其信誓蒙得濟命各不肯還於本國遂便住  
止此國於此國王各爲立第一舍彫文刻鏤  
光飾嚴整法國王飲食服御與王無異四方  
來人問言何以有此如王舍遍一國中衆人

答曰皆是諸王舍也名遂遠布從此以來號  
言王舍城佛得道已自說本末立信王者我  
身是也噉人王者鶩嬸摩是還王舍說法所  
度無量皆是宿命作王時因緣人也佛說是  
時無不歡喜得福得度不可訾計

昔雪山有白象王身有六牙主二萬象象王  
有二夫人一人年長一人年少每出遊戲時  
夫人挾左右時王出戲道遇一大樹樹華茂  
好欲取二夫人身上以爲光飾鼻紋撈樹而  
搖捎之風吹樹華獨落大夫人上小夫人在

下風不得華謂王爲有偏意內生毒心後王  
池中生一金色千葉蓮華小象見之取持上  
王王得以與大夫人使着頭上小夫人遂益  
妬忿忿欲害王雪山中多有道士於是小夫  
人採取美果每供養百辟支佛以後山上臨  
一險處而自誓願持是前後施辟支佛福報  
得入  
生於人中有豪勢自識宿命害殺此象王即  
便放身自投山下而死神來生人間爲長者  
女明慧遠識端正無比其女長大國王娉爲  
夫人愛重之夫人念言今且得報宿怨矣便

以旒子黃面委卧稱病王入問之答曰夜夢  
見象頭有六牙欲得其牙持作釵耳王若不  
得此象牙者病日篤矣王素重之不敢違意  
即召國中諸射獵者得數百人而告之言汝  
等山中頗見有白象身有六牙者不皆言未  
曾見也王意不樂使夫人呼獵者共道此意  
夫人言此間近處實無此象汝衆中誰有能  
耐苦大膽者乎有一人長跪曰我最可矣於  
是夫人與萬兩金與其鐵鉤斧鑿及法衣一  
具告之汝徑詣雪山中道當有大樹左右有

蟒身長數百丈不可得近斧鑿穿樹從中過  
去前行當見大水有樹木臨水上取鐵鉤鉤  
上樹尋枝進而前度至象所住視其常所頻  
止處當下作深坑薄覆其上在中伺象來時  
以箭射之即著袈裟如沙門法象奉三尊終  
不害汝獵者受教即涉道去七年七月七日  
到象所止處作坑入其中須臾象王還獵者  
以毒箭射之象被此箭不從遠來便以鼻撈  
其邊地見坑中人即問何人其人大怖懷自  
首言我是應募人象王即知是夫人所爲自

截其牙用與獵者語人言汝還去諸象見汝  
即當害卿教却行去群象必當尋迹追汝象  
王以威神將護七日之中得出部界還至本  
國以象牙與夫人夫人得之反覆視之且喜  
且悔未幾吐血死近釋迦文佛在世時天龍  
鬼神四輩弟子大會說法坐中有大比丘尼  
遙瞻觀佛便大聲笑須臾復舉聲哭衆坐中  
無不怪者阿難問佛云何此比丘尼得阿羅  
漢何因且悲且喜不能自勝願聞其事佛告  
阿難爾時白象王者我身是夫人者今瞿夷

是小夫人者今比丘尼是以得神通識往昔事所以悲者不事心不喜笑者賊害善人更從得道衆會聞皆念曰與世尊作惡因緣猶尚得度況有道德之因緣乎一切衆會皆發無上至真道意願及十方廣度一切

昔佛詣保國受須竭請其國近海龍興雲雨佛恐漂沒人民受飯食已引衆詣阿耨達池佛會畢衆坐已定告舍利弗不在會中天帝念曰佛左右常得神足智慧益佛光輝佛知其所念告目捷連汝往呼舍利弗來目連作

禮而往舍利弗補護法衣目連白佛在阿耨達池天大會佛使我來相呼願以時去舍利弗言須我衣竟目連答曰不時去者吾當神足取卿及山石室置右掌中持詣佛所舍利弗便解腰帶着地語目連曰汝能令帶離於地者我身乃可舉目連即舉之地能爲震動時人帶不可舉目連以神足還佛所舍利弗先到佛邊目連乃知神足之力不如智慧之力也時坐中有一比丘耳中有須曼華衆坐皆疑比丘之法離於華飾而此比丘著華何謂天

帝釋即白佛言不審比丘何以著華佛告比丘遣耳中華比丘受教即手挽去其華續復有如故如是取去其處故有佛語比丘以神足去之即以三昧力作數千萬手虛空中取耳華華故不盡衆坐乃知是道德因緣非耳着華也天帝白佛願說本末使衆會疑解佛告天帝昔惟衛佛時從來九十一劫時佛大會說法有一醉客在會中聽聞經歡喜耳上華取散佛上作禮而去命終之後九十一劫天上人中受福不復更三惡道欲知彼時人

者今此比丘是也散一華福至今得道故未盡也天帝白佛言往日醉客不受戒亦不行六波羅蜜一散華福乃九十一劫于今不盡何況多供養佛者佛告天帝當知薩芸若饒益一切如是一切衆會聞說如是大歡喜普發無上正真道意

詳八

十一

昔佛始得道教化天下莫不承勲唯舍衛國王不時信解佛之精舍與王園觀隔壁相近皆臨江水精舍中有沙彌者三百餘人每給三尊使令時維那使諸沙彌各持瓶於江上

取水諸沙彌至江岸便脫袈裟作屋戲時王波斯匿與夫人在樓觀上坐遙見沙彌等共戲如是即謂夫人我之不信瞿曇良以爲是瞿曇之等自稱清淨無有陰蓋彼今戲樂與我無異那得言真夫人答言譬如海中龍蛇摩訶衍法亦復如有得道者有未得道者不可一論也夫人語未竟諸沙彌等着衣服各各取水正往向精舍所在以神足挑三百瓶著虛空中各各飛逐皆入精舍夫人便指大王所言王意未盡者今現神足何如也王

見大歡喜即下觀與群臣百官共詣佛所稽首作禮歸命悔過佛爲說法王及夫人一切衆會皆發無上正真道意

昔舍衛國梵志長者出城遊戲展轉到祇洹邊佛知其人有功德可度佛即出坐一樹下放大光明照祇洹界樹木土石皆作金色梵志見光問從者曰此爲何光乎從者答曰不知長者曰非是日光耶從人言曰者光熱此光寒溫調和非日光矣長者復問曰得無火光乎從人曰非火光火者動搖不定此光不

動然不像火光也從人思惟知之語長者此  
是沙門瞿曇道德之光長者即曰勿說此語  
我不喜瞿曇速迴車還佛便作變化三面皆  
自然有大澗所向不得過唯於佛前有道徑  
從人白言瞿曇邊有道通過矣事不得已如  
前遙見如來即以扇覆面佛復以威神使內  
外徹舉目正與佛相見悟覺下車稽首作禮  
佛與說法便發無上正真道意尋得不退轉  
背佛去者尚得道慧何況信向者哉  
昔波羅柰國有大力士八人一人當六十象

力中有一人獨多權奇兵法六十四變文武  
皆具以是自恃無所畏難佛觀其人必墮惡  
道中往到其所欲度脫之守門人白瞿曇在  
外來欲相見力士聞之語左右言瞿曇所有  
智豈能勝我不如我也語守門者發遣令去  
不能見之佛三詣門不見佛於是化作年少  
力士來摘技門人入白力士問曰得無是國  
中八人耶門人答言年少耳未曾見也力士  
出外相見將諸戲場輕其年少便欲撲殺之  
語年少曰強來前當共手搏二人俱前當欲

合之間佛以神足舉着空中去地十餘丈下  
向視地但見火刃都失貢高瞋恚之意但恐  
畏死遙於空中言歸命下方力士乞得全命  
佛便著地還見佛身力士知是佛稽首作禮  
我當知佛神足力如是不敢憍慢乃至於今  
詳八  
也願見原恕以滅重殃佛即受之爲說深法  
十三  
便發無上正真道意即得阿惟越致佛之權  
道所度如是

昔羅閱祇國有婆羅門子獨與母居年少長  
大自問其母我父何所奉事欲習其蹤母語

子言汝父在時一日三反入水自洗浴子言  
父作是何所希望乎母言恒水遣垢可得神  
通矣子曰不然母謂子汝寧有異見乎子言  
若其然者水北居民日驅牛南渡放日再洗  
浴何不得道且水中有魚鼈之屬在水活何  
以復不得道乎母言汝意云何子言唯有如  
來八解之池三昧之水浴此乃無爲耳因報  
母言當詣佛所沐浴神化於是母子至佛所  
佛爲說法子作沙門得羅漢道還爲母說法  
復得須陀洹道



雜譬喻經卷上

雜譬喻經卷下

失譯人名在後漢錄

昔罽賓國中有一比丘廣訓門徒數百餘人中  
有得四禪者得五通者得須陀洹阿羅漢  
者時有安息人到罽賓國見比丘教化如是

有信樂心爲作弟子未久之間成五通行便  
現神足於衆人前師告之曰汝雖得五通意  
結未解莫現神足以自貢高也便心恚師謂  
師妬伎自念曰當還生地現道德耳即飛到  
本國詣安息王殿前現神足飛來王爲作禮  
而問道人是何國人比丘言我王國人詣罽  
賓國學道今所以還欲福土地報所生恩王  
大歡喜即長跪曰願道人自從今日常住我  
宮中受我供養比丘即可之王手自供養或  
使夫人及嫪女比丘便有欲意向青衣諸臣

下知之以白於王王逆訶之王所以不信者  
本見其飛來故也未久之間青衣腹大諸臣  
復啓王王以夫人爲驗乃知其實即奪法衣  
遣使令去出宮以是道人故不加楚毒比丘  
出外行作劫人賊無當前者王不知是前比  
丘也謂募雄士使人生捕將來定是前比丘  
王問曰汝前犯欲謂爲誤耳云何復劫人乎  
比丘叩頭曰窮無復餘計故也王曰我本見  
汝神足飛來故不忍加於汝毒今復赦汝勿  
復犯我界中解放令去比丘念曰如行客作

求生活也即自銜有屠家雇使推牛刺羊事  
事皆爲後使打骨迸掉中面壞其眼根無所  
復見不復中使主人遣令其去於是持一破  
盂順巷行乞遂成賤人比丘更變其間數年  
師以道眼觀察欲知所在見比丘如此在安  
息市乞時門徒中明八但學五通不求斷苦者五  
百餘人師告之曰汝等速嚴今當共行省往  
日安息弟子弟子皆喜曰彼道德必大茂盛  
師乃自屈往省皆承神足須臾以到住於其  
前師呼其名即答師聲言和尚來耶師言爾

故來相省師問曰何緣乃爾弟子具陳本末  
徧說所犯意師語諸弟子得五通非堅固道  
也不可恃怙矣師說是時五百弟子皆得六  
通成應真道彼一弟子慙愧無辭師徒一切  
更還本所

昔有一國豐熟饒人他國欲來取之即興兵  
往國中已知便大發兵十五以上六十已下  
盡當征行時有一人爲織縶公年向六十其  
婦端正常輕慢夫主壻每敬難大夫事之壻  
語婦言今應行被勅自具兵仗及資糧器物

願時發遣婦與夫一五升器以用盛糧織縶  
杼木一枚長丈一尺婦言汝持是行闢無有  
餘物也設令破是器失是杼木不復共汝作  
居家夫便辭去不念當爲軍所傷害但畏二  
物差錯失於婦矣道逢彼兵共鬪軍不如即  
退縶公恐二物差錯則失婦意衆人皆走唯  
縶公便舉縶杼著頭上向賊而獨住彼軍見  
之謂呼勇猛不敢復進却退於是國軍更得  
整陣并力進戰即大得勝彼軍不如死散略  
盡王大歡喜當賞有功衆人白王織縶者應

與上功王因呼見問其意故汝何緣由獨得却大軍乎對曰實非武士家婦見給從軍二物設當失此二物者婦則委去不成家居是以分死欲成二物因之却軍實非勇健所致也王謂諸臣此人本雖畏婦要濟國難當與上功即拜爲臣賜其寶貨宅舍十六姪女亞次於王子孫承福世世相繫此世間示現因緣所得佛借以爲喻婦與夫五升器丈一尺杼木者譬佛受弟子五戒十善也屬人言堅守二物不毀失者可得與吾共居也此謂持法死

死不犯者則得與佛俱昇道堂矣旣得當敵却軍復見封賞者譬守戒人現世怨家橫對爲之消滅後世受福天堂自然者矣昔舍衛城中有豪貴梵志財富無數聰識明慧然墮邪見不信善呼謂無益時舍利弗以道眼見念是長者宿有大福得爲豪富今但食故不復造新必還三塗當往度之便神足當其座前持鉢而住時梵志方坐欲食見舍利弗甚大瞋恚即推門家擲打盥手已還坐食亦不請坐亦不遣去食竟洗手漱口舍一

口水吐著舍利弗鉢中言持是去相施時舍利弗言使汝長夜受福無量即還去長者慍恐行訴言使人尋之舍利弗逕還精舍以水和泥泥佛所經行處白佛言彼慳貪見施一口水今用泥佛經行處願佛經行其上使彼長夜受福無量佛即爲經行三昧長者所遣伺候者具見如是還白長者佛所棄輪王位行作沙門持鉢求食非有貪求也欲度衆生故耳具以本末說之長者大悔有不事心舉家大小盡詣佛所懺悔謝過愚癡無識願恕

重殃佛爲受自歸爲其說法疑解結除得不退轉

昔波利弗國比於餘國最豐熾盛真人神人下至不肖九品皆具道德仙經及流俗書亦復具足金銀穀帛無物不有佛每稱之爲聞物國時諸外道九十六種咸共議曰佛說國無不有當共往求國所無者因此折之令不至誠然後吾等必得敬事梵志議曰未聞此國有羅刹鬼當故求之必不可得此顯佛證道不正矣遍順行市里求欲買鬼皆無有賣

梵志喜曰謂以得策天帝知之梵志謀計即便來下化作賈人坐於肆上有如賣物梵志順肆次到其前問有鬼賣不天帝言有欲得幾頭梵志相謂此虛言耳所從得鬼賣而言幾頭乎梵志等曰欲得數頭天帝便開肆門惡鬼忽有數十頭梵志見之甚大怖懾各各心念知佛至誠皆詣佛自歸言波利國雖衆物普有其空手往者一物巨得持財貨買無物不得借以爲喻此是世間示現譬薩芸若城其中無所不有四等六度三十七品聲聞

辟支上至如來若有人不修德行於薩芸若中望有所獲不可得也若奉聖教檢身口意譬如有貨無願不果矣

昔天竺國有松寺中有四道人皆是六通國中有四居士各請一道人長供養之四道人各行教化一人至天帝釋所一人至海龍王所一人至金翅鳥所一人至人王所於是四道人所受供養鉢中之餘還分檀越食之百味具足所未曾見各問道人所從得此道人即各爲說本末於是四居士各發一願一人

言願生天帝釋宮一人欲生海中作龍一人  
欲生金翅鳥中一人欲生人王中作子壽盡  
皆得往生爲四神王同時有念欲入關齋遍  
觀靖處唯摩竭王後園寂寞皆到園中各坐  
樹下慈心奉齋行六思念意一日一夜明但  
事訖乃相就語摩竭王曰卿等何人也一人  
言我是天王一人言我是龍王一人言我是  
金翅鳥王一人言我是人王四人相見說本  
末已皆大歡喜天王便言吾等俱齋誰得福  
多者人王言曰吾之欲近在國外音樂之響

乃徹聞此能於中專心吾福第一天王曰吾  
之天上七寶宮殿玉女衆伎衣食自然不復  
想念遠來全齋福應第一金翅王言吾之所  
好唯食龍爲美甚於五樂今共一處無有惡  
念大如毛髮吾福第一龍王曰吾之等類是  
群八金翅糧供也常恐見食畏怖藏竄今在一處  
十九分死全齋吾福第一摩竭王曰吾有智臣名  
波陀類吾當請之使令決義即召已到具語  
其意波陀類便取青黃白黑四種之繒懸著  
空中問於四王四色在空各自異不四王曰

異色灼然矣臣曰繒影在地爲異無答曰不異也臣言今四種受形各異譬如繒色質不同也今之法齋志趣一味譬如地影無若干也今四尊王發大道意精進慈齋得佛之時相亦一等無若干像四王歡喜即得道眼

昔有富迦羅越有兩子父得病臨困囑大兄曰汝弟幼小未有所知今以累汝善營濟之勿使飢寒父子悲決於是遂亡後時婦語其夫曰君弟小長當饒君家所有之物皆當分之曼其未大何不除遣兄始不肯數語不一

兄便隨之將弟出城詣深塚間縛著栢樹不忍手殺欲使虎狼惡鬼害之語弟曰汝數犯我使汝在此宿昔思過明日當相迎便捨之去須臾日暮鷄鵠狐狸所在嗚呼弟大怖懼無所歸告即仰天歎息曰三界之中寧有慈仁受自歸乎今日困厄懷怖無量於是如來覩彼求救正坐三昧放大光明名曰除冥光照塚間即時大明次放一光名曰解縛光至兒所縛即緩身不復痛次放一光名曰飽滿一切兒見光明即不復饑於是如來尋光詣



彼使手自解縛而告之曰欲何所趣乎見白  
言願我作佛脫一切厄如佛今日即發無上  
正真道意佛爲說法若干出要速得不起法  
忍白佛言我兄雖有惡念違孝害我因此得  
見佛斷生死苦欲往報恩佛言善哉宜知是  
時便以神足飛往兄家兄婦見之慙懼無顏  
即語兄曰雖用惡妻之言縛我著塚間因緣  
是事今日得道皆兄恩也爲嫂兄說法便得  
須陀洹

昔佛在王舍釋數下供養三尊唯摩訶迦葉

獨不肯受何以故本願但欲度貧窮人故於  
是天帝作權方便夫人俱下作貧家公嫗弊  
草屋下時摩訶迦葉入城分衛天帝公嫗迎  
爲作禮自說寒貧願受麤食迦葉可之返迦  
葉鉢盛滿甘露使形色麤惡其實逾百味方  
入口香甘非常即三昧觀乃知天帝迦葉言  
卿之福祚巍巍乃爾何以故不厭足耶天帝  
報言三尊福報甚豐無量是以智者未嘗厭  
足也

昔外國有一松寺中恒有衆僧百餘人共於

中止學有一優婆夷精進明經去寺不遠日  
飯一沙門衆僧自相差次從頭至竟周而復  
始其有往者然彼優婆夷輒從問經義自隱  
學淺者每不喜往有一沙門摩訶盧晚作沙  
門一無所知次應往食行道遲遲前却不時  
至優婆夷逢見之言此長宿年老行步詳序  
明八  
謂是大智慧益用歡喜與作好食畢施高座  
欲令說法道人上座實無所有知自陳體中  
言人愚無知實苦優婆夷聞是便思惟之愚  
無所知則是十二因緣本是死生不絕致諸

苦惱是故言甚苦思惟反覆即得須陀洹道  
便起開藏室欲取白縵布施道人道人便下  
座捨去還於精舍優婆夷出不知道人處所  
爲在門中望亦復不見真謂爲得道神足飛  
去也優婆夷便持白縵衣詣精舍求道人道  
人恐追呼入房閉戶藏其師已得六通見有  
追者謂有所犯即定意觀知優婆夷得須陀  
洹道呼摩訶盧命出受施師爲說本末摩訶  
盧歡喜亦得須陀洹道  
昔有老母唯有一子得病命終載著塚間停

屍哀感不能自勝念曰止有一子當以備老而捨我死吾用活爲遂不復歸便欲併命一處不飯不食已四五日佛以知見將五百比丘詣塚間老母遙見佛來威神之光弈弈迷悟醉醒前趣佛作禮却住佛告母何爲塚間耶白言世尊唯有一子捨我終亡愛之情切欲共死在一處佛告老母欲令子活不耶母喜實爾世尊佛言索好香火來吾當呪願令子更生重告老母宜得不死家火於是老母便行索火見人先問汝家前後頗有死者未

答曰言先祖以來皆死過去所問之家辭皆如是已經數十家不敢取火便還佛所自言世尊遍行求火無有不死家是以空還佛告老母天地開闢以來無生不終之者生者求活亦復可喜母何迷索隨子死意便解悟識無常理佛因爲廣說法要老母即得須陀洹道塚間觀者無數千人皆發無上正真道意昔王舍城中人民多豐饒九品異居不相雜錯別有一億里有一億財者便入中居時有居士視欲居中便行治生苦身節用廣諸方

第八

廿二

計數十年中九十萬數未滿一億得病甚篤自知不濟有一子年七八歲囑語其妻曰吾子長大付與財物令廣治生使足滿一億必居其中全吾生存之願矣言竟終亡喪送事畢母將子入示其實物父有遺教須汝長大具一千萬足滿一億居億里中子報母言何必須大便可付我早共居之母即付之於是童子以財物珍寶供養三尊施與貧乏者半年之中財物盡了其母愁惱怪子所作童子未幾身得重病遂便喪亡其母既失財子又

幼喪憂愁歎惜之中有最富者八十居而無子性於是童子往生其家爲第一婦作子滿十月生端正聰明自識宿命母自抱乳確不肯食青衣抱養亦復如是兒前母聞生子如是偶往看省見便愛之即抱鳴就開口求食者大喜重雇其價廿八使養護子長者便與夫人議曰吾少子性他人抱養不肯飲食此婦抱撮兒輒歡喜吾今欲往迎取以爲小妻令養視吾子爲可爾不夫人聽之便以禮娉迎來別作屋宅分財給與無所乏短兒便語母爲

相識不母大怖懼而言不相識見白母言我是母之前子取母九十萬分用布施今共來作十八億主不勞力而食福爲何如耶母聞是言且悲且喜其兒長大化一億里爲摩訶衍道故謂正使億千出之一邑里能爲空舍安諸施以道菩薩所入如是

昔外國有人多種白絮草若過時不取失色不好至時大雇客晨夜兼功略不得息主人以作人勤苦大爲作好肉羹故飯時羹欲熟香氣四聞有一老鴉當其上飛爪網糞正墮

著羹中廚士見之即欲斷取即消散盡廚人念曰欲更作羹時節已晚欲持食人中有不淨計此少糞不足敗味猶可食人但自當不噉耳客皆來坐列飯酣羹客作既食廚人且饑不食其羹客呼廚士人取好肉以噉之廚士知不淨恐失人意強咽吞之不以爲味也佛借以爲喻三界衆生說美色欲莫覩不淨展轉惑沉猶於饑夫食美羹者菩薩大士入生死教現受色具了不淨不甘不樂若廚士強食其肉吞而咽之不味者矣

昔者阿難入城分衛時，蠱道家女出行汲水，見阿難端正，有欲意向還語。母言外有瞿曇弟子爲我致之母，便召所奉鬼使，惑阿難不覺，忽到其家。時蠱道母語阿難曰：「今以女相施，不復得去也。」阿難報我不隨其語。蠱母作一火坑，謂阿難言：「寧就火焚，寧就我女？」阿難恐怖，一心佛，即伸手遙摩阿難頭。蠱道家鬼見佛手在空中來，威神無量，皆奔波走過撥蠱母著火坑中，身體焦爛。旣且然，得濟阿難，即時得還佛所。後時蠱道母還召鬼神而責。

數汝等不能轉瞿曇弟子，使惑何因？推我著火坑中，鬼神答曰：「吾昔與波旬合八十億衆，詣貝多羅樹，欲壞菩薩菩薩，以手指地，其手纖長，合綬掌內外，握千輻輪，威神無量，八十億衆皆顛倒墮，不得復形。今復伸來趣吾等，實詐怖，是以散走不當住也。我等鬼神自常儀，若行中人不中，便自害想，亦久知何所責。吾蠱道母乃知佛爲尊，即三自歸，得須陀洹道。」

昔者海邊有樹木，數十里中有獼猴五百餘。

頭時海水上有聚沫高數十丈像如雪山隨潮而來住於岸邊諸獼猴見自相與語吾等上是山頭東西遊戲不亦樂乎時一獼猴便上頭徑下沒水底眾獼猴見怪久不出謂沫山中快樂無極是以不來皆競踊跳入沫聚中一時溺死佛借以爲喻海者謂生死海也沫山者五陰身也獼猴者人識神也不知五陰無所有愛欲癡者從是沒生死海莫有出期故維摩詰言是身如聚沫燥浴強忍昔長者須達七貧後貧最劇乃無一錢後糞

時八

升五

壤中得一木斗其實梅檀出市賣之得米四升語婦曰併炊一升吾當索菜茹還時佛念曰當度須達令福更生炊米方熟舍利弗往婦見歡喜一升米飯悉投箸鉢中更炊一升方熟目連復往亦歡喜與之復炊一升迦葉復往亦復與之適有一升尋復炊熟如來自往婦自念言間日之糧莫有餘者今有是米如來躬顧得無罪畢福將欲生者哉一升米飯盡施如來佛口呪願罪滅福生從今日始須達尋歸婦恐其恚便問曰如今佛來及舍

利弗目連迦葉盡來求食家中所有米當與  
不耶曰當與福田難遭若來求者是爲值遇  
婦言向四升米吾盡用矣夫大歡喜餘有飯  
汁公嫗共飲之須臾彷彿諸室珍寶倉穀疋  
帛自然實滿如往時富也須達踊躍知佛愍  
念更請佛及僧供養盡空佛爲說法皆得道  
迹

昔有長者子新迎婦甚相愛敬夫語婦言卿  
入廚中取蒲萄酒來共飲之婦往開甕自見  
身影在此甕中謂更有女人大悲還語夫言

汝自有婦藏著甕中復迎我爲夫自入廚視  
之開甕見己身影逆悲其婦謂藏男子二人  
更相忿恚各自呼爲實有一梵志與此長者  
子素情親厚過與相見夫婦問其所由復  
往視之亦見身影悲恨長者自有親厚藏甕  
中而佯共鬪乎便即捨去復有一比丘尼長  
者所奉聞其所諍如是便往視甕中有比丘  
尼亦悲捨去須臾有道人亦往視之知爲是  
影耳喟然歎曰世人愚惑以空爲實也呼婦  
共入視之道人曰吾當爲汝出甕中人取一

辭八

廿六



大石打壞甕酒盡了無所有二人意解知定  
身影各懷慚愧比丘爲說諸要法言夫婦共  
得阿惟越致佛以爲喻見影闕者譬三界人  
不識五陰四大苦空身三毒生死不絕佛說  
是時無數千人皆飛得無身之決也

佛在世時有大富家食口六人奴婢金銀珍  
寶不可稱數佛與阿難街里分衛過宿因緣  
蒙佛到其門父母兒子妻婦孫息踊躍歡喜  
請佛入坐室中但氍毹布施食器皆以金銀  
瑠璃阿難長跪白佛此人本有何功德自致

大富佛語阿難此人上世時值饑餓之世家  
中貧窮草木枯旱唯詣水遍採取用係命作  
羹適熟外有道人分衛出見沙門父母便言  
以我分與之兒子孫息各自以分讓父母今  
食六人一時發意各奉一日食唯恨家貧無  
以上道人者緣此之福得生天上人中常得  
安隱豐饒財物以其發心同等故世世共作  
因緣今重相值父母兒子大小一時悉受五  
戒命終即生天上受福無量

昔者有三人各爾貧窮但行賣樵爲業時四

月八日衆比丘於寺中灌佛像釋迦文佛時亦在其中作維那三人過寺前聞今日灌像便入視之三人各共發意等持一錢著像前各期心願一人言使我後世饒財寶莫復令值此貧命終得在大富家生唯有一子年過長大作佛弟子常生天上人中一人言使我知作師主治一切人病使我大得物命盡生耆域家曉知醫方治病莫不愈者亦復生天上人中恒大富樂一人言使我後世長壽莫令短命後生二十四天上壽六十劫佛言爾

三人各有一願世世得福無量令此三人皆爲我作弟子得阿羅漢道  
世間人入海採寶有七難一者四面大風雨時起吹船令顛倒二者船中欲壞而漏三者人欲墮水死乃得上岸四者二龍上岸欲噉之五者得平地三毒蛇逐欲噉六者地有熱沙走行其上爛人脚七者仰視不見日月常冥不知東西甚大難也佛告諸弟子汝曹亦有此七事一者四面大風起謂生老病死二者六情所受無限譬船漏三者墮水欲死謂

雜譬喻經卷下

為魔所得四者二龍上岸噉者謂日月食命  
五者平地三毒蛇者謂人身中三毒六者熱  
沙燦爛其脚謂地獄中火七者仰視不見日  
月者謂受罪之處窈窈冥冥無有出期佛語  
諸弟子當識是言莫與此會勤行六事可得  
解脫

群八

音釋

欸許勿切悸其季切據其據切保郎果切  
擗訖裁切繫陟立切杼直呂切伺相吏切嬌  
市紹切曼莫半切鷄處脂切嫗於武切老  
與擾同嗚且也就就口相就也個居縛切蠶  
公戶切毳權俱切毳力朱切毳  
或也